

til laga um heimild fyrir landsstjórnina til að veita ýms hlunnindi fyrirhug-
uðum nýjum banka í Reykjavík.

(Eftir 3. umr. i Nd.)

1. gr.

Ráðuneytinu heimilast að veita fyrirhuguðu hlutafjelagi, sem þeir Egger-
t bóni Benediktsson í Laugardælum, Gunnar konsúll Ólafsson í Vestmanna-
eyjum, Morten kaupmaður Ottesen í Reykjavík, Sigurður hæstarjettarmála-
flutningsmaður Sigurðsson í Reykjavík og Pórður kaupmaður Sveinsson í
Reykjavík eru nú i framkvæmdarnefnd fyrir, hlunnindi handa banka, er fje-
lagið ætlar að stofna í Reykjavík, þau er hjer segir:

- a. Ef viðurkenning fyrir innláni glatast, getur bankinn kallað handhafa henn-
ar með auglýsingu, sem prentuð sje þrisvar í blaði því, er flytur stjórn-
valdaauglýsingar, með 6 mánaða fyrirvara að gefa sig fram við bankann,
og ef enginn hefir gefið sig fram áður en tjeður frestur er liðinn, þá má
bankinn greiða upphæðina þeim, sem viðurkennunguna hefir fengið frá
bankanum, án þess nokkur annar, sem viðurkennингin kann að vera af-
söluð, geti búið kröfu á hendur bankanum.
- b. Fje það, sem lagt hefir verið í bankanu, ásamt vöxtum þess, er undan-
skilið kyrrsetningu og lögħaldi.
- c. Bankinn hefir sem handveðshafi rjett til þess að selja sjálfur veðið við op-
inbert uppboð, en að öðru leyti samkvæmt reglum þeim, sem settar eru
í lögum um veð, 4. nóv. 1887, 1. gr.
- d. Bankinn er undanþeginn öllum opinberum gjöldum og sköttum, hverju
nafni sem nefnast, þar á meðal til rikissjóðs og sveitarsjóðs eða annara
stofnana. Í þess stað skal bankinn gjalda í rikissjóð hluta af breinum
ársarði sinum, sem ákveðst þannig:

Frá ársarðinum dragist fyrst hæfileg fjárhæð til afskriftar af vænt-
anlegu bankahúsi og innanstokksmunum, þar næst beint áfallið tap bank-
ans og síðast 10% af ársarðinum til varasjóðs og 5% af hlutafjárupphæð-
inni til hluthafaardös.

Af því, sem fram yfir er, greiðist rikissjóði:

- 5% af fyrstu 100 þús. kr.
- 10% af næstu 100 þús. kr.
- 25% af afganginum.

Hlunnindin samkvæmt lögum þessum haldast fyrst um sinn þann
tíma, sem nú er eftir af blunnindatíma Íslandsbanka, samkvæmt lögum
nr. 11, 7. júní 1902, og auglýsingu nr. 48, 25. nóv. 1903.

- e. Bækur bankans, ávisanir, skuldbindingar, sem útgefast af bankanum og í nafni hans, svo og skuldbindingar, sem veita bankanum handveðsrjett, arðmiðar, hlutabréf bankans og framsöl þeirra skulu undanþegin stimpil-gjaldi.

2. gr.

Hlunnindi þau, sem ræðir um í 1. gr., ná einnig til útibúa þeirra, sem bankinn kann að setja á stofn.

3. gr.

Hlunnaindi þau, sem í 1. gr., sbr. 2. gr., segir, eru þessum skilyrðum bundin:

- a. Hlutasje bankans má eigi vera minna en 2 miljónir og eigi meira en 6 miljónir króna, og skulu að minsta kosti 55% hlutasjárins boðin út innanlands í hálft ár eftir að löginn öðlast gildi. Meiri hluti bankastjórnar (bankaráðs) sje Íslendingar, búsettir á Íslandi.
- b. Bankinn skal hafa heimili og varnarþing í Reykjavík.
- c. Ráðuneytið skipar two af þrem endurskoðendum bankans.
- d. Bankinn skal jafnan hafa í auðseldum innlendum verðbrjefum, er ráðherra tekur gild, sem svarar minst 10% af innlánsfje því, er hann hesir hverju sinni, til tryggingar því.
- e. Reikninga bankans skal birta opinberlega á þann hátt, sem leyfisbréf segir til.
- f. Bankinn má ekki lána fje gegn trygging í hlutabréfum sjálfss sín.
- g. Bankinn skal taka til starfa fyrir árslok 1924.
- h. Ráðuneytið getur sett bankanum frekari skilyrði í leyfisbrjefinu, ef þörf þykir, enda fari þau ekki í bága við lög þessi.

4. gr.

Lög þessi öðlast þegar gildi.